



Mala Høy Kúko, Siumut
Inatsisartuni ilaasortaq
inatsisartut@ina.alla.gl

Kulusummut timmisartuussinerit pillugit § 37 naapertorlugu apeqquteqaammut 2022-085-imit akissut

19-05-2022
Suliaq nr.: 2022 - 9716
ID. nr. 76215480

Asasara Mala Høy Kúko

Inatsisartut suleriaasianni § 37 naapertorlugu Kulusummut timmisartuussinerit pillugit Naalakkersuisunut apeqquteqaateqarputit. Apeqqutitit uannit akineqartussatut innersuunneqarput. Apeqqutitit matuma kinguliani ataasiakkaarlugit allanneqarput, akissummillu malitseqarlutik.

Postboks 909
3900 Nuuk
Tlf.: (+299) 34 50 00
E-mail: box909@nanoq.gl
www.naalakkersuisut.gl

Akissuteqaateqarnermut atugassatut Air Greenland aamma Mittarfeqarfiit ilassutissanik aallerfigineqarput.

Apeqqutit 1: Kulusummut timmisartumik angalanerit ukioq manna qasseriaq kinguaattoorpat?

Akissut: Isumaqarpunga matuma kinguliani kinguaattoorutit oqaatigineqarnerini taamaatitsinerit eqqarsaatigineqartut.

Mittarfeqarfinniit ilisimatitsissutigineqarpoq, 2022-mi qaammatini siullerni Kulusummi taamaatitsinerit 413-iusimasut. 2022-mi timmisartuussinerit katillugit 653-iusimapput. Timmisartuussinerit Air Greenlandimit, Norlandair-imit aamma Icelandair-imit ingerlanneqarput.

Air Greenlandimit erseqqissaatigineqarpoq, taamaatitsisarnerninnut sila kisimi peqqutaanngitsoq. Kulusummi akunnittarfeqarnikkut pisinnaasat amigarneri aamma Kulusummiit ilaasunik ingerlatitseqqinniarterni ajornartorsiuteqarnerit pisooqataapput. Tamatumunnga atatillugu Nordlandair aamma Icelandair aperineqanngillat.

Apeqqut 1a: Taakkunannga qassit Deicereqannginneq pissutigalugu pippat?

Akissut: Air Greenland ilisimatitsivoq, naatsorsukkanik eqqoqqissaartunik peqaratik, kisiannili naliliinertik malillugu Kulusummi sermiiateqartuuppat taamaatitsinerit arfinillit tikillugit pinngitsoorsimasinnaagaluartut.

Kulusummiit ingerlaqqittarnerni annertunerusumik qulimiguulik atorineqartarmat, erseqqissaatigissavara sermiiatit taamaallaat timmisartunut suluusalinnut atorineqartartut, taamaattumillu ilaasut ingerlaqqittussat Kulusuup sermiiammik pilerneqarnerani pitsannguutissanik misigisaqartussaangitsut. Sermiiasarnerni timmisartut suluusalit tinginermi qullariatornerminnilu ingerlalluarnissaasa qulakkeerneqarnissaa siunertaavoq. Timmisartup ilaasartaatip qangattarluareernerani sukkassusissamillu naammassinnereernerani timmisartup sermiiataasa timmisartup

suluusaani, motorit silaannarmik milluaasuini, suluusaani paperuusaanilu sermip ilaa peertarpaa.

Apeqqu 2: Naalackersuisut Kulusummi mittarfimmi atortuutissamik timmisartumut illersuummik serpartaammik sermernaaveersaatitalimmik pissarsinissaminnut pilersaaruteqarpat?

Akissut: Timmisartunik sermiiasarneq niuernermit tunngaveqarluni sullissineruvoq, mittarfimmi ingerlatseqatigiiffiup sullissisuusup neqeroorutigisartagaa. Ingerlatseqatigiiffik sullissisoq tassaavoq suliffeqarfik, kiffartuussinermit sullissinermit assigiinngitsunik neqerooruteqartartoq, suliaanullu nassatanik isumaginninneq, perusuersartarfilerineq imilerinerlu, timmisartut initaannik eqqiaaneq, sermiianeq il.il. ilaatinneqarput.

Kalaallit Nunaanni ingerlatseqatigiiffinnik sullissisuusunik, ilaatigut sermiiaanermik neqerooruteqarsinnaasunik soqanngilaq. Kiffartuussinermit sullissinerit assigiinngitsut, soorlu timmisartut initaannik eqqiaanerit pillugit ataasiakkaarlugit isumaqatigiissuteqartoqartarpoq.

Mittarfeqarfiit mittarfiutiminni sermiiaanermik neqerooruteqartanngillat, taamaattumillu Air Greenland Kangerlussuarmi, Nuummi, Ilulissani, Sisimiuni Maniitsumilu sermiiaatnik pigisaqarpoq. Air Greenland aamma Mittarfeqarfiit mittarfinni ataasiakkaani isumalluutunik pitsaanerpaamik atuinissamik isumaqatigiissuteqarput, tamannalu pissutigalugu Mittarfeqarfiit sulisui mittarfinni taaneqartuni sermiiasarpur. Kisianni Air Greenland sermiiaanermi atortunut, sulisut sungiusartinneqarnerinut il.il. akisussaasuvoq.

Taamaattumik sermiiaatit Kulusummi ajornartorsiutaasunut iluaqutaasinnaarpiarnersut misissuiffiginiaara, aammalu suleqataasut suleqatigalugit aaqiinissamut periarfissaasinnaasut pillugit sukumiisumik oqaloqatiginiaarpakka.

Apeqqu 2a: Serpartaammik pilersaaruteqartoqanngippat Kulusuup mittarfianut suna tunngavilersuutigineqarpa?

Akissut: Apeqqu 2-mut akissut takuuk.

Apeqqu 3: Kulusummut timmisartumik angalanerit kinguaattoorneri pissutigalugit aningaasartuutit qanoq amerlatigippat?

Akissut: Apeqqu Air Greenlandimi niuernermit tunngasuvoq, aammalu Air Greenland ilisimatitsivoq, tamanna pequtigalugu apeqqu tip akissuteqarfiginissaa kissaatiginngikkini, tamanna niuerfimminnut sunniuteqarsinnaammat.

Apeqqu 4: Timmisartumik angallassisarnermik sillimaniarneq pillugu qanoq assigiinngissuteqartigivugut nunatsinni Islandimut sanilliulluta?

Akissut: Kalaallit Nunaanni mittarfiit tamarmik Angallannermit Aqutsisoqarfimmit akuersissuteqarfigineqarlutik sullissisuusupput. Taamatuttaaq silaannakkut angallasseqatigiiffiit Angallannermit Aqutsisoqarfimmit akuerineqarlutik sullissisuusupput. Aamma Kalaallit Nunaannut Kalaallilu Nunaanniit, aammalu nunanit allaniit timmisartuussinerit akuerineqartussaapput, taamaattumillu Icelandair-ip Kalaallit Nunaanni Kalaallilu Nunaanniit timmisartuussineri tamarmik silaannakkut angallassinermut oqartussaasunit akuerisaapput. Nunami namminermit maleruagassat sularineqarnerinut FN-imi silaannakkut angallannermit suleqatigiiffiup ICAO-p malittarisassiai tunngavigineqartarput, tamatumalu kingunerisaanik Kalaallit Nunaat Islanditulli suliassaqarfimmut inatsisinik atuuttunik naammassinnissimasussaavoq.

Apeqquut 5: Naalackersuisut paasissutigisinnaavaat qaqugu helekopteri nutaaq Tasiilami atuutilersinneqassanersoq?

Akissut: Air Greenland ilisimatitsivoq, qulimiguulik H155 2022-mi septembarimi ingerlalnissaa naatsorsuutigineqartoq. Qulimiguullip atulernissaanut Tasiilami hangarip nutaap qaqugu naammassineqarnissaa apeqqutaavoq. Mittarfeqarfiit ilisimatitsippot, Tasiilami hangariliorneq kinguaattoorfusoq, kisiannili septembarip naanerani hangarip naammassineqarnissaa entreprenørp naatsorsuutigigaa. Mittarfeqarfiit aamma Air Greenland atortussap nutaap atulernissaanut tunngasut ataqatigiissaarnissaannut peqquneqarput.

Apeqquut 6: Naalackersuisut paasissutigisinnaanerpaat Tasiilami helekopteri nutaaq atuutilerpat angallannermi akinut sunniuteqassanngilaq, qanoq atsigissanersoq?

Akissut: Qulimiguullip nutaap atulernissaa bilitsit akiinut sunniuteqassanngilaq, qulimiguullip nutaap atulernissaa kiffartuussinermut isumaqatigiisummut ilaaginnarmat.

Kiffartuussinermut isumaqatigiisuteqarfiusuni bilitsit akii isumaqatigiisummi kapitali 4, akinut akinillu iluarsisarnernut tunngasoq naapertorlugu maleruagassiorneqarput. Isumaqatigiisummi 4,6 naapertorlugu akit ukiumoortumik qummut 1,5%-inik iluarsiiqqineqartarput. Taakku saniatigut sullissisoq bilitsit akiinik qaffaasinnaannngilaq, kisiannili akinik appaanissaq nammineerluni aalajangersinnaallugu. Tassunga ilaatinneqanngitsumik kiffartuussinermut isumaqatigiisummi § 4,7 aamma 4,9, ikummatissat akiisa qaffannissaannik eqqarsaateqarfiusunik imaqtartut tunngavigineqarsinnaapput, taakkulu bilitsit akiisa qaffanneqarnissaannut sunniuteqarsinnaapput.

Kiisalu Naalackersuisut Tunumi timmisartut angallannerisa siunissaanut pilersaaruteqarnersut aperineqarput. Naalackersuisut maannarpiat Tasiilami aamma Ittoqqortoormiini mittarfissat nutaat marluk pilersaarusiornissaannut piareersaatiniq suliaqarput. Matumani Ittoqqortoormiini mittarfik pillugu § 37 naapertorlugu apeqquteqaammut 2022-028-mut akissut innersuussutigissavara. Akissuteqaammi tassani aamma Tasiilami mittarfiliornissap pilersaarusiorneqarnera atuuttoq pineqarpoq. Inatsisartut tungaanniit mittarfiliortiternernut aningaasaliissutissanik ujartuinissamut piumassuseqarpata, mittarfiit nutaat taakku Tunumi ornigassanut timmisartuussinernut sunniuteqarnissaat naatsorsuutigineqarpoq.

Neriuppunga qulaani allaqqasuni apeqquteqaatitit akineqartut.

Inussiarnersumik inuulluaqqusillunga



Erik Jensen



Inatsisartunut ilaasortaq Charlotte Pike, Inuit Ataqtigiit

Ittoqqortoormiini mittarfik pillugu § 37 naapertorlugu apeqquteqaammut 2022-028-mut akissut

31-01-2022
Suliap normua: 2022 -
2209
ID. nr. 72411743

Asasara Charlotte Pike

Inatsisartut suleriaasianni § 37 naapertorlugu Ittoqqortoormiini mittarfik pillugu Naalakkersuisunut apeqquteqaateqarputit. Apeqqutitit uannit akineqartussatut innersuunneqarput. Apeqqutitit matuma kinguliani ataasiakkaarlugit allanneqarput, akissummillu malitseqarlutik

Postboks 909
3900 Nuuk
Tlf.: (+299) 34 50 00
E-mail: box909@nanoq.gl
www.naalakkersuisut.gl

Apeqqut 1: Ittoqqortoormiit eqqaani suluusalimmik mittarfiliortoqarnissaanik Naalakkersuisut qanoq pilersaaruteqarpat?

Akissut: Nunap immikkoortuini mittarfinnik tullerilaarinissamat tunngavissat pillugit Sanaartornermut Ataatsimiititaliap isumaliutissiissutaa Inatsisartut 2020-mi ukiakkut ataatsimiinnerini imm. 27-mi oqaluuserineqartoq, Naalakkersuisut nunap immikkoortuini mittarfissat pillugit sulinerminni aallaavigaat.

Imaappoq, Ittoqqortoormiini suluusalinnut mittarfiliornissaq Naalakkersuisut sulissutigaa.

Apeqqut 2: Ittoqqortoormiit eqqaani mittarfiliortoqassappat, Ittoqqortoormiiniit mittarfissamat aqqusineqarnissaanut aningaasalersornissaa qanoq pilersaaruteqarfigineqarpa?

Akissut: Ittoqqortoormiini mittarfiliortoqassappat, suliniummut atasutut aqqusinniortoqassasoq naatsorsuutigineqarpoq. Aqqusinniornissamat periarfissat arlaqartut, Rambøllip 2020-mi marsimi "Ittoqqortoormiini nutaamik mittarfiliornissamat periarfissat pillugit nalunaarusiaq"-aani atuarneqarsinnaavoq.

Periarfissat pillugit nalunaarusiami pineqartumi inuiaqatigiit aningaasaqarnerinut tunngatillugu naatsorsuinerit missiliuutinik aallaaveqarput, naatsorsuinernilu taakkunani aqqusinniornissaq ilaatinneqarluni.

Apeqqut 3: Isumannaallisaarneq eqqarsaatigalugu qulimiguuleqarneq mittarfik piviusunngussappat qanoq pilersaaruteqarfigineqarpa?

Akissut: Qulimiguulimmit sullinneqarnissamik pisariaqartitsineq suliap ingerlanerani erseqqissarneqarlunilu qulaajarneqassagaluarpoq. Taamaakkaluartoq Ittoqqortoormiit Nerlerit Inaatalu akornanni timmisartuussineq ullumikkut kiffartuussinissami isumaqatigiissummik aallaaveqartumi pisariaqartinneqassanngilaq.

Apeqput 4: Ittoqqortoormiit eqqaani mittarfiliortoqarnissaa pillugu aningaasalersuinissaq tamakkiisumik qanoq pilersaaruteqarfigineqarpa?

Akissut: Marlunnut avitamik aningaasaleeriaaseq sanaartornermut tunngatillugu aallaavigineqartartoq, mittarfimmut aningaasalersuinissami aallaavigineqassaaq. Imaappoq, pilersaarusiortoqarnissaanut aningaasaliissutinik aallaqqaammut immikkoortitsisoqassaaq. Tassunga tunngatillugu ilassutitut aningaasaliissutinik Naalakkersuisut ukioq-manna qinnuteqassasut naatsorsuutigineqarpoq. Pilersaarusiaq naammassisaq tunuliaqutaralugu, mittarfiliassap inaarutaasumik aningaasalersorneqarnissaa erseqqissarneqassaaq.

Apeqput 5: Ittoqqortoormiit eqqaani mittarfiliornissaq tamakkiisumik qanoq akeqassangatinneqarpa?

Akissut: Apeqputit ima paasivara, sanaartornermi tamakkisumik aningaasartuutissat apeqputigigitit, taamaattumillu akissutinni tamanna aallaavigivara.

Rambøllip 2020-mi marsimi "Ittoqqortoormiini nutaamik mittarfiliornissamut periarfissat pillugit allaatigisaq"-ni atuarneqarsinnaavoq, 799 meterinik takitigisumik mittarfiliortoqassasoq innersuussutigigaat, tamannalu 269 mio. koruuninik akeqartussatut missilioraat. Asfaltigaanani 1.199 meterinik takitigisumik mittarfiliortoqassappat, 320 mio. koruuninik akeqassasoq missiliorpaat. Nalunaarusiami aamma atuarneqarsinnaasutut, sanaartornermi aningaasartuutissat missiliuutaammata, aningaasartuutivissaviit qanoq annertutigissanersut nalorninarpoq. Mittarfiliassaq pilersaarusiorneqareerpat aatsaat, sanaartornermi tamakkiisumik aningaasartuutissat pillugit inaarutaasumik missiliuut paasinarsilluassaaq.

Neriuppunga qulaani allaqqasuni apeqquteqaatitit akineqartut.

Inussiarnersumik inuulluaqqusillunga


Mariane Paviassen